

Акафист праведному Иоанну Русскому (новая редакция)



15 июля 2016 г. 21:24

Новая редакция текста акафиста праведному Иоанну Русскому одобрена на заседании Священного Синода от 15 июля 2016 года ([журнал № 71](#)).

Акафист праведному Иоанну Русскому

Акафист святому праведному Иоанну Русскому.

Кондак 1

Избранный исповедник Христова и чудотворца предивного, поборника святых веры православных, Русскою землею рожденного и в земли Еллады возсиявшего, святого праведного Иоанна похвальными песнями почтим; ты же, угодниче Божий, яко предстояй пред престолом Царя Славы, от всяких нас бед свободи, с любовью и благодарением зовущих ти: Радуйся, страдальче праведный Иоанне, терпению и кротости нас научаяй.

Икос 1

Ангелов Творец и всея твари Создатель избранный, праведне Иоанне, во еже народы Святой Руси и Еллады духовно соединити, и яви ты Церкви Своей Святей великаго чудотворца, имущаго к Немю дерзновение молиться о исцелении недугов душевных и телесных, о избавлении от всяких бед и скорбей. Темже мы, сынове русские, благоговейне приклоняем пред тобою колена сердец наших и умиленно глаголем:

Радуйся, земный Ангеле и человеке небесный;

радуйся, благодати тезоименный.

Радуйся, кротости и послушания образу;

радуйся, молитвы благоуханное кадило.

Радуйся, терпением злобу мира сего победивый;

радуйся, венцем исповедническим от Господа украшенный.

Радуйся, земли Азии подвиги своими озаривый;

радуйся, чудесы твоими землю Еллады наполнивший.

Радуйся, Русская звезда земли вся просвещающая;

радуйся, Отечество земное молитвами твоими не оставляющая.

Радуйся, Христа ради на земли пострадавший;

радуйся, с Ним на Небесах воцаривыйся.

Радуйся, страдальче праведный Иоанне, терпению и кротости нас научаяй.

Кондак 2

Видя Христос Господь благое намерение сердца твоего, Иоанне блаженне, предначертá ти тернистый и многотрудный путь спасения: егда был еси с воинством царя Петра, плениша тя агаряне и в раба продаша в землю Асии во град Прокопион, идеже ты пребыл еси непоколебим в вере православней и жизнь твою посвятил еси Богу, непрестанно усты и сердцем воспевая Ему: Аллилуиа.

Икос 2

Разум богопросвещенный и веру несумненную имел еси, святче Божий, егда гнева агарян не устрасився, исповеда себе христианина быти и радостно восприял еси биения, узы железныя, огнем жжение и многи муки нестерпимыя. Темже вси, таковому твоему дерзновению и мужеству дивящися, глаголем:

Радуйся, во страхе Божии добре воспитанный;

радуйся, закону Господню верно наученный.

Радуйся, от юности твоея всего себе Богу предавый;

радуйся, в молитве утешение духовное обретавый.

Радуйся, злобы агарян не устрасивыйся;

радуйся, муки нестерпимыя победно претерпевый.

Радуйся, за Господа распятого огнем от мучителей опаленный;

радуйся, Христовым страстем в телеси твоём приобщивыйся.

Радуйся, терпение крепкое во страданиях явивый;

радуйся, от веры Православныя не отступивый.

Радуйся, Христа единого всем сердцем возлюбивый;

радуйся, воине Христов непобедимый.

Радуйся, страдальче праведный Иоанне, терпению и кротости нас научаяй.

Кондак 3

Силою Вышняго укрепляемь, со дерзновением проповедал еси Единого Истинного Бога пред мучители твоими. Злочестивый господин твой, надеяся уловити ты и к вере своей привлещи, тело твое начат истязати. Ты же, страстотерпче Христов, жестокая биения от него претерпевая, укрепляющему ты Богу из глубины сердца воспевал еси: Аллилуиа.

Икос 3

Имея в души своей пламенное желание последовати Агнцу Божию, пострадавшему спасения нашего ради, праведне Иоанне, не убоялся еси мучений и молился еси за враги твоя и мучители, и от веры во Христа никакоже отступил еси, вопия Ему: «Ничтоже мя разлучит от любви Твоея, Христе Боже». Сего ради величаем ты сиче:

Ра́дуйся, ве́ры Христо́вы адама́нте ѓ несокрушимый;
ра́дуйся, о ми́ре сем моли́твенниче усер́дный.
Ра́дуйся, да́же до кро́ве за Христа́ пострада́вый;
ра́дуйся, в му́жестве непоколеби́мем пребы́вый.
Ра́дуйся, в муче́ниях благода́тию свы́ше укрепле́нный;
ра́дуйся, свире́пство мучи́телей победи́вый.
Ра́дуйся, страсте́м Христо́вым подража́телю;
ра́дуйся, враго́в Це́ркве посрами́телю.
Ра́дуйся, ве́ру, наде́жду и любо́вь к Бо́гу до конца́ сохрани́вый;
ра́дуйся, по́двигом твои́м христиа́н Прокопи́она возвесели́вый.
Ра́дуйся, в се́рдце твоём о́браз Христа́ носи́вый;
ра́дуйся, страда́ньми за Него́ Ца́рство Небе́сное насле́дивый.
Ра́дуйся, страда́льче пра́ведный Иоа́нне, терпе́нию и кро́тости нас
науча́яй.

Конда́к 4

Бу́ря лю́тых мук и страсте́й ми́ра сегó не потопи́ корабля́ души́ твоея́,
пра́ведне Иоа́нне, ты бо в теле́сном плене́нии благоду́шие и кро́тость,
незло́бие и смире́ние яви́л еси́, и якоже А́нгел на земли́ пожи́л еси́, в труде́х,
посте́ и моли́тве подвиза́ясь, кеса́рю кеса́рево, а Бо́жие Богови́ отдава́я по
сло́ву Го́спода, но́щию же без сна пребыва́я, о прощ́ении свои́х согреше́ний,
наипа́че же о творя́щих ти оби́ды и озлобле́ния моля́ся, с любо́вию поя́ Бо́гу:
Аллилу́иа.

И́кос 4

Слы́шавше и ви́девши дивное́ твоё жити́е, смире́ние и премно́гую
добродетель, гони́тели твои́ удиви́шася и прославля́ху тебе́ я́ко челове́ка
пра́ведна. Егда́ же лю́тый господи́н твой узре́ в дому́ своём моли́тв твои́х
ра́ди изоби́лие во всем и даде́ тебе́ осла́бу, ты, огнём любве́ ко Го́споду
окриля́емь, умно́жил еси́ труды́ подви́жническия, на вся́ку ночь теч́ением
слез помóст притво́ра церко́внаго в моли́тве ороша́я. Помози́ у́бо и нам
подража́ти тебе́, укрепи́ нас, от мглы́ страсте́й изба́ви и да́руй му́жество
духо́вное всем прибега́ющим ко предста́тельству твоёму́ и вопи́ющим тебе́
такова́я:

Ра́дуйся, уничи́жением твои́м убо́гому Ла́зарю уподо́бивыйся;
ра́дуйся, терпе́нием твои́м с многострада́льным И́овом сравни́выйся.
Ра́дуйся, смире́нием Христу́ усер́дно подража́вый;
ра́дуйся, по́двигом твои́м А́нгелов удиви́вый;
Ра́дуйся, трудо́м приле́жный, земно́му господи́ну ве́рно послужи́вый;
ра́дуйся, кро́тостью и бла́гостью своёю се́рдце его́ умягчи́вый.
Ра́дуйся, за твори́вших ти оби́ды моли́твы возноси́вый;
ра́дуйся, зло́бу их на ми́лость преложи́вый.

Ра́дуйся, на па́перти церко́вней но́щи в моли́твах проводи́вый;

ра́дуйся, а́а́ среди́ мра́ка злове́рия благоче́стием просия́вый.

Ра́дуйся, я́ко за ненави́дящих и оби́дящих нас моли́тися подвиза́еши.

ра́дуйся, я́ко любве́ и милосе́рдия ко всем лю́дем исполня́еши;

Ра́дуйся, стра́дальче пра́ведный Иоáнне, терпе́нию и крото́сти нас науча́й.

Конда́к 5

Боготéчная звезда́, от Святой Руси возсия́вшая, яви́лся еси́, блаже́нне Иоáнне, блиста́я чистото́ю А́нгельскою и луча́ми добродéтелей твои́х зéмли Асии́ и Елла́ды озари́в. Егда́ же ты бо́лен бе и, день своея́ кончи́ны от Бо́га ве́дая, восхотéл еси́ причаст́итися Святы́х Христо́вых Та́ин, иерей, Бо́гом вразумле́нный, принесé тебе́ Святы́я Дáры во я́блоце, ихже́ прием, пра́ведную дýшу твою́ в рýце Бо́жии преда́л еси́ и, свети́льник нося́, полн елéя до́брых дел, вшел еси́ в Цáрствие Небе́сное, во е́же непреста́нно со все́ми святы́ми воспевáти всех святы́х Святе́йшему Сло́ву: Аллилу́иа.

И́кос 5

Ви́девше лю́дие гра́да Прокопи́она богоуго́дное жити́е твоé и блаже́нную кончи́ну, со слезáми и благоговéнием погребóша тéло твоé во хра́ме свята́го великомученика́ Геóргия. По кончи́не же твоéй мно́зи недужнии, не то́кмо правосла́внии, но и лати́няне, и ага́ряне получа́ху исцéления у грóба твоего́, благодарéние Бо́гу принося́ще. Сего́ ради́ тебе́, я́ко тёплому моли́твеннику о всех стра́ждущих, взывáем та́ко:

Ра́дуйся, се́рдце твоé пока́янными слезáми омыв́ый;

ра́дуйся, пла́чем и моли́твами к сме́рти себе́ приугото́вивый.

Ра́дуйся, я́ко всех оби́дящих тя прости́л еси́;

ра́дуйся, я́ко незло́бием Христо́вым дýха зло́бы победи́л еси́.

Ра́дуйся, в чистоте́ дýшу и тéло сохрани́вый;

ра́дуйся, кончи́ну свою́ предувéдевый.

Ра́дуйся, пра́ведно жизнь земну́ю сконча́вый;

ра́дуйся, возлюб́ившему тя Го́споду дýшу преда́вый.

Ра́дуйся, я́ко венце́м безсме́ртия от Го́спода венча́лся еси́;

ра́дуйся, я́ко вéчней радости́ по сме́рти приобщ́ился еси́.

Ра́дуйся, я́ко це́рковь великомученика́ Геóргия прия́т честно́е тéло твоé;

ра́дуйся, я́ко во оби́телях Небе́сных водвори́ся свята́я душá твоя́.

Ра́дуйся, стра́дальче пра́ведный Иоáнне, терпе́нию и крото́сти нас науча́й.

Конда́к 6

Проповéдник чудéс и сла́вы Бо́жия яви́ся кли́рик не́кий гра́да Прокопи́она, егда́ узре́ в со́ннем видéнии блаже́ннаго Иоáнна, повелева́ющаго откры́ти

гроб, в нёмже обретаются нетленные мочи его. Темже вернии молитвенно возопиша ко Господу, да явит Он людем мочи Своего избранника, зовуще со благодарением Ему: Аллилуиа.

Икос 6

Воссиял еси, яко новое светило всему христианскому роду, праведне Иоанне, егда Божиим изволением обретеное бысть нетленное и благоуханное тело твоё, источающее обилие чудес всем с верою к твоему заступлению прибегающим. Темже уврачуй и возвесели нас, верою и любовию тебе взывающих:

Радуйся, на земли, яко безплотен, поживый;
радуйся, праведниче Божий, в чудесех просиявый.
Радуйся, иерею церкви святого Георгия явивыйся;
радуйся, святых мочи твоя тому открыти повелевый.
Радуйся, яко Христос с Небес на святых мочи твоя знамением указал;
радуйся, яко столп огненный над ними Господь чудно яви.
Радуйся, яко нетлением тело твоё Господь прославляет;
радуйся, яко благоуханием от него Той верных возвеселяет.
Радуйся, яко мощей твоих демони трепещут;
радуйся, сосуде Божественных благодати.
Радуйся, яко во Царствии Небесном со святыми пребываеши;
радуйся, яко и нас, грешных, на земли не оставляеши.

Радуйся, страдальче праведный Иоанне, терпению и кротости нас научай.

Кондак 7

Хотящим врагом град твой разорити и мочи твоя огнём предати, явися страшное и преславное чудо: воины увидеша тя, Иоанне, стояща посреде огня и оставити град грозно им повелевающа. Тии же, о видении ужасошася и вон бежаша и никоегоже зла сотвориша. Вернии же людие паки обретоша мочи твоя, к нимже и мы припадающе, вопием Богу победную песнь: Аллилуиа.

Икос 7

Новаго ты чудотворца и молитвенника во времена последняя дарова нам Человеколюбец Господь, егда вера оскуде, любви охладе, надежда поколебася. Темже молим тя, праведне Иоанне, не остави нас, грешных и слабых, в годину испытаний, укрепил молитвами твоими всех любящих тя и вопиющих ти таковая:

Радуйся, верных надеждо и заступление;
радуйся, неверных страх и посрамление.
Радуйся, яко подвиги твоими град Прокопион освятил еси;
радуйся, яко молитвами твоими землю Еллады облагодухал еси.

Ра́дуйся, свет Христо́в в се́рдце твоём носивый;
ра́дуйся, тьму жи́зни на́шей све́том о́ным озаря́й.
Ра́дуйся, о лю́дех страны́ Гре́ческаго моли́твенниче неусы́пный;
ра́дуйся, помо́щниче лю́дем Русским Богодарова́нный.
Ра́дуйся, градо́м и хра́мом от разоре́ния защи́щение;
ра́дуйся, правосла́вных христиа́н ско́рое прибёжище.
Ра́дуйся, я́ко ны́не со все́ми святы́ми престόлу Бо́жию предсто́иши;
ра́дуйся, я́ко неизрече́нную сла́ву Господню созерца́еши.

Ра́дуйся, стра́дальче пра́ведный Иоа́нне, терпе́нию и кро́тости нас науча́й.

Конда́к 8

Стра́нник и пришле́ц был еси́ в стране́ плене́ния твоего́, уго́дниче Бо́жий, взыску́яй Го́рняго Иерусали́ма, и та́ко буюе мирским лю́дем, премудрое же о Христе житие пожив, добродете́льми мно́гими к Бо́гу прибли́зился еси́, науча́я всех ве́рных иска́ти еди́наго на потре́бу. Сего́ ра́ди Сам Госпо́дь, ви́дя смире́ние твоё, возвели́чи тя благода́тию Своёю, Егóже восхваля́юще, поём А́нгельскую песнь: Аллилу́иа.

И́кос 8

Весь был еси́ любве́ Божество́вныя испо́лнен, блаже́нне, све́том благода́ти Бо́жия сия́я пред челове́ки, и святы́я мо́щи твоя́ исто́чник есть исцеле́ний, сокрови́ще чуде́с, небе́сных арома́т вме́стилище. Сего́ ра́ди, дерзнове́ние ве́лие ко Го́споду име́я, мо́лишися за христиа́ны, во всем ми́ре живу́щия, и ве́рою тя на по́мощь призыва́ющим посóбствуеши. Не оста́ви у́бо и нас благода́тною твоёю по́мощию и заступле́нием, да благода́рно тебе́ зове́м:

Ра́дуйся, да́ром любве́ к Бо́гу и бли́жним испо́лненный;
ра́дуйся, ве́рою чудодéйственною озаре́нный;
Ра́дуйся, в моли́твах и бде́ниях предивный наш учи́телю;
ра́дуйся, всех приходи́щих к тебе́ ско́рый утёшителю.
Ра́дуйся, ро́су исцеле́ний ве́рным источа́й;
ра́дуйся, недуги лю́тыя прогоня́й;
Ра́дуйся, ми́лости сокрови́ще неисто́щимое.
ра́дуйся, правосла́вных приста́нище тихое.
Ра́дуйся, в со́ниих и виде́ниях стра́ждущих посеща́й;
ра́дуйся, в беда́х и напа́стех по́мощь им подава́й.
Ра́дуйся, стра́нниче, во Оте́чество Не́бесное вше́дый;
ра́дуйся, во всем ми́ре христиа́нством просла́вленный.

Ра́дуйся, стра́дальче пра́ведный Иоа́нне, терпе́нию и кро́тости нас науча́й.

Конда́к 9

Всякое естество челове́ческое удиви́ся, ви́девше чудеса́ пресла́вная, от моще́й пра́веднаго Ио́анна истека́ющая, мно́зи у́бо восхоте́ша ча́сти их во ины́я места́ и гра́ды отдели́ти, оба́че всем хотя́щим взя́ти их ты, уго́днице Бо́жий, возбра́нял еси́. Егда́ же святогору́цы ру́сского монасты́ря моля́хуся, да часть моще́й твои́х да́руется им, благоволи́л еси́ е́же принести́ им в Вертогра́д Богома́тере десну́ю ру́ку твою́ в благослове́ние и утеше́ние. И бысть ве́лие торже́ство: вси ино́цы оби́тели Пантеле́ймоновы, колéна прикло́ньше, срето́ша десну́ю ру́ку твою́, от гра́да Прокопи́она принесенную, воспева́юще Бо́гу благодарственную песнь: Аллилу́иа.

И́кос 9

Вети́и многовещáннии не возмо́гут изрещи́ си́лу любве́ правосла́вных эллинов, и́же изгна́ни бывше от Прокопи́она неверными, изнесо́ша многоцеле́бныя мо́щи тво́я, пра́ведне Ио́анне, на о́стров Евви́ю, иде́же воздвиго́ша ве́лий благоле́пный храм во и́мя твоё, в нёмже и положи́ша о́я их. Те́мже и мы, моля́щеся во хра́ме сем и предстоя́ще пред ра́кою твоёю, чудесы́ благоуха́юще, приле́жно мо́лим тя: услы́ши нас, твоего́ предста́тельства прося́щих и благоговей́не вопи́ющих:

Ра́дуйся, ве́рных и неверных в беда́х утешителю;

ра́дуйся, хра́му, во и́мя твоё создáнному, Божественный покрóве;

Ра́дуйся, страну́ Гре́ческую и лю́ди ея́ возлюбивый;

ра́дуйся, я́ко мощáми твоими́ во Елла́ду приити́ изво́ливый

Ра́дуйся, гра́да Неопрокопи́она святы́й покрови́телю.

ра́дуйся, всей странé Гре́честей незаходимое свети́ло;

Ра́дуйся, мощáми твоими́ Го́ру Афóнскую посетивый;

ра́дуйся, нетле́нною десни́цею оби́тель Пантеле́ймонову благослови́вый.

Ра́дуйся, я́ко бра́тии Афóнского вертогра́да в по́двизех ско́ро помога́еши;

ра́дуйся, я́ко и Оте́чество твоё, Русь Святу́ю, не оставля́еши.

Ра́дуйся, я́ко и́мя твоё по всей вселенней призывáется.

ра́дуйся, я́ко ве́ра христиáнская тобою́ прославля́ется.

Ра́дуйся, страдальче пра́ведный Ио́анне, терпе́нию и крóтости нас научáй.

Конда́к 10

Спасе́ние в беда́х и напáстех восхотéв да́ти Господь ве́рным ча́дом Своим, яви нам тя, уго́днице Бо́жий, прия́л бо еси́ благода́ть целити недуги́ всем притека́ющим к тебе́ с моли́твою: кровото́чии бо и прокаже́ннии прикоснове́нием к ра́це моще́й твои́х очища́ются, глу́сии слы́шат, разсла́бленнии здра́ви быва́ют, слепи́и прозрева́ют. Мы же, поминáюще ско́рое заступле́ние твоё, благодарным гласом восхваля́ем Бо́га, пою́ще Ему́ песнь: Аллилу́иа.

Ўкос 10

Стенá есї странé Гречестей и наро́ду ея́ благочестївому, прáведне Иоáнне, и неборїмый заступник всём призывáющим їмя твоё, занé тако́ благоволи́ Сам Господь бѣти тебѣ зашїтнику христиáн не то́кмо землі Еллáды, но всех любящих и чту́щих тя люде́й правосла́вных. Тѣмже Еллáдскія Цѣркве лю́дие, Афóнских отѣц собóри, Руси Святыя вѣрнии и во всякой странé чту́щии Бóга восхваля́ют тя сїце:

Рáдуйся, стражу́ землі Еллáды, нечестївыя отгоня́й;
ра́дуйся, всех благочестївых люде́й ея́ от бед избавля́й.
Рáдуйся, я́ко всем христиáном благодáтнующую по́мощь подаёши;
ра́дуйся, я́ко целѣбныя дáры повсю́ду то́чиши.
Рáдуйся, от Гóспода власть на дýхи нечїстыя приёмый;
ра́дуйся, сїлою Бóжиею их изгоня́й.
Рáдуйся, оставленным врача́ми предївное по́мощіе;
ра́дуйся, от смертоносных язв мнóгим свобожде́ние.
Рáдуйся, болящих младѣнцев благонадѣжный врачевáтелю;
ра́дуйся, скорбящих их родїтелей благїй утѣшителю.
Рáдуйся, проповѣдниче покая́нїя и ходáтаето о нáшем спасѣнии;
ра́дуйся, учїтелю смиренномудрїя и долготерпѣнїя.

Рáдуйся, страдальче прáведный Иоáнне, терпѣнїю и крóтости нас научáй.

Кондáк 11

Пѣнїе всеумилѣнное принóсим Христú Бóгу, просла́вльшему тя, прáведне Иоáнне, я́ко даровá нам вели́каго заступника, утѣшителя и молїтвенника о спасѣнии правосла́вных христиáн, по все́му лицу́ землі обитáющих. Тѣмже сла́вим тя, просяще твоегó предстáтельства пред Гóсподем о странé нáшей Русской, да избáвимся от нашѣствий иноплемѣнных и междоусóбной брáни, и возмо́жем в мїре и тишинѣ воспевáти Христú Бóгу песнь: Аллилуїа.

Ўкос 11

Светозáрный светїльник Бóжїя благодáти явїлся есї, прáведне Иоáнне, духовным сия́нием пóдвигов твоїх и чудѣс просветївый зѣмли Асїи и Еллáды. Ты бо, Русскою землѣю рождѣнный, повсю́ду источáеши чудѣс множество и мóлишися о всех любящих и чту́щих тя. Тѣмже ўбо моли́ Христá Бóга Отѣчеству твоему́ и всей странé Гречестей непоколебїмым и безмяте́жным бѣти, от навѣт вра́жїих и от агáрянскаго нашѣствїя их оградї, вóинству правосла́вному побѣды на врагї дáруй, да к тебѣ, я́ко крѣпкому о нас молїтвеннику, взывáем сїце:

Рáдуйся, Цѣркве Вселѣнскїя пресла́вное украше́ние;
ра́дуйся, о лю́дех правосла́вных пред Бóгом предстáтелю.
Рáдуйся, А́нгеле землі нáшей, во странé Гречестей просїя́вый;

ра́дуйся, и во Оте́честве своем благоговéйне почита́емый.

Ра́дуйся, во дни бед и испытáний чту́щим ты заш́итниче;

ра́дуйся, о любящих ты тёплый моли́твенниче.

Ра́дуйся, свети́льниче, омрачénныя ду́ши просвещáяй;

ра́дуйся, лампа́до злата́я, елеем ми́лости испол́ненная.

Ра́дуйся, ра́дости духо́вныя чту́щим ты подáтелю;

ра́дуйся, спаси́тельное всем христиáном прибе́жище.

Ра́дуйся, ко очищéнию от страстéй путево́дителю;

ра́дуйся, у престóла Бóжия о нас, недостóйных, ходáтаю.

Ра́дуйся, стра́дальче пра́ведный Иоáнне, терпéнию и крóтости нас научáяй.

Конда́к 12

Благода́ть Ду́ха Свята́го, живу́щая в тебе́, блаже́нне, дивно́ показáся в чудесéх и исцелéниях от нетлénных тво́их честнóх мощéй, ихже любóвию лобызáюще, сла́вим о тебе́ Христá Бóга, дивнаго во святýх Сво́их. Сего́ ра́ди не забуди́ и нас, усéрдно призывáющих ты во временá тяжких бед и напа́стей, от нихже моли́твами тво́ими избáви и не престáни ходáтайствовати пред Бóгом о даровáнии всем нам душе́внаго спасéния и телéснаго здра́вия, со благоговéнием пою́щим Ему́: Аллилу́иа.

И́кос 12

Пою́ще по́двиги многоболéзненнаго жити́я твоегó, почита́ем страдáния, хва́лим долготерпéние, сла́вим крóтость и смире́ние, ублажа́ем святую́ твою́ кончи́ну и чтим ты, я́ко небéснаго предстáтеля нáшего, ты бо от бед и скорбéй избавля́еши, недúги врачу́еши, печáли утоля́еши всех почита́ющих ты. Благодарим и велича́ем просла́вившаго ты Гóспода, дарова́вшаго нам дивнаго моли́твенника и чудотво́рца, Егóже умоли́ спаст́ся всем пою́щим ти тако́вая:

Ра́дуйся, Царя́ Небéснаго добропобéдный во́ине;

ра́дуйся, вели́кий Христóв уго́дниче.

Ра́дуйся, я́ко пла́чем и скорбьми́ утешéния вéчнаго сподóбился еси́;

ра́дуйся, я́ко крóтостию своéю и смире́нием зéмлю пра́ведных насле́довал еси́.

Ра́дуйся, чистото́ю и целомудрием от Бóга украшénный;

ра́дуйся, цвётóм неувяда́емым на Небесí почтénный.

Ра́дуйся, А́нгельских Во́инств собесéдниче;

ра́дуйся, ликóм преподóбных и пра́ведных совсéльниче.

Ра́дуйся, ми́лостивое заступлéние Бóжия Мáтере к нам приклоня́яй;

ра́дуйся, со всéми святýми Престóлу Бóжию ны́не предсто́яй.

Ра́дуйся, всех святýх земл́и Русския сонасле́дниче;

ра́дуйся, нас освещáяй любвé свети́льниче.

Рáдуйся, страдальче праведный Иоáнне, терпению и крótости нас научáяй.

Конда́к 13

О́, пречу́дный и пресла́вный чудотво́рче, святы́й праведный Иоáнне, земли́ Русския́ благодáтное рождéние, подви́жников Еллáды похвалó и украшéние. Приими́ от любящих тя ма́лое сиé молéние и принеси́ é ко Христу́ Бо́гу нáшему, да сохрани́т нас от враг ви́димых и неви́димых, от недúга и гла́да, от всякия́ скóрби и внеза́пныя смéрти, и сподóбит вку́пе с тобо́ю во Цáрствии Небéсном неприя́тно пéти Ему: Аллилу́иа.

Моли́тва 1

О́, вели́кий уго́днице Бо́жий, святы́й праведный Иоáнне Ру́сский, просия́вый в земли́ Асии́ равноа́нгельным жити́ем твои́м, ре́вностию о Го́споде и по́двигами во испове́дании ве́ры Христо́вы, гра́да Прокопио́на Новаго́ и всея́ Еллáды пресве́тлое украшéние, богохрани́мей странé ѿ Русской, лю́дем ея́ и во всем ми́ре живу́щим правосла́вным христиáном по́моще и крéпкое заступле́ние! Благодарим Го́спода, дивнаго́ во святы́х Свои́х, в ве́ре и́стинней непоколебимо́ тя утверди́вшего, в стоя́нии за испове́дание ея́ укрепившаго́ и до́брое сконча́ние по́двига многотру́днаго дарова́вшего, последи́ же мно́гая и вели́кая чудеса́ нам явившаго́ чрез многоцеле́бную ра́ку моще́й твои́х. Ны́не, предсто́я Небéсному Царю́, испроси́ у Него́ изба́вити вся гра́ды и ве́си страны́ Русския́ и земли́ Еллáдския́ от гла́да, тру́са, огня́, смертоно́сных боле́зней, от наше́ствий иноплеме́нных и междоусóбной бра́ни, исходатайствуй хри́столюбиво́му вои́нству нáшему во бра́нех с врага́ми Оте́чества нáшего побéду и одоле́ние. Помози́ всем путеше́ствующим, боля́щим, в заточе́нии су́щим, скóрби и гоне́ния за святу́ю ве́ру Правосла́вную терпя́щим. Соедини́ всех правосла́вных люде́й любóвию ко Христу́ Бо́гу нáшему и Це́ркви Его́ Святе́й, да́руй нам дух любве́ и ми́ра к бра́тскому едине́нию всех ве́рных. Умоли́ Го́спода, да пода́ст нам дух покая́ния и сокруше́ния о гресе́х нáших и всеси́льною Своёю́ благодáтию да по́может и укрепи́т в борьбе́ со страстьми́ и похотьми́, да да́рует нам дух смире́ния и крótости, дух братолу́бия и незло́бия, дух ре́вности по Бо́зе о спасе́нии бли́жних.

Помяни́ и нас, грéшных, моля́щихся тебе́: стра́ждущих и боля́щих исцели́, скорбя́щих утэши, бе́дствующим ско́рую по́мощь пода́ждь, всем же чту́щим и любя́щим тя испроси́ христиáнскую кончи́ну живота́, безболе́зненну, непосты́дну, ми́рну и до́брый отве́т на Стра́шнем Суди́щи Христо́ве. Буди́ нам по́мощник и покрови́тель во спасе́ние, да твои́ми моли́твами сподóбимся в ны́нешнем и бу́дущем ве́це прославля́ти в Тро́ице покланя́емаго Бо́га, Отца́, и Сы́на, и Свята́го Ду́ха ны́не и при́сно, и во ве́ки веко́в. Ами́нь.

Моли́тва 2

О́, всеблаже́нный испове́днице Христо́в и вели́кий чудотво́рче Иоа́нне, Еввѣи сокро́вище, Гре́ческаго страны́ похвало́ и люде́й Русских сродни́че!

Ты в пленѣнии ага́рянстем лю́тая мучѣния за Христа́ претерпѣл еси́, благоче́стием же своимъ, по́двиги и чудесы́ ве́рныя премно́го укрепил еси́, неверныя же умягчил еси́ и просветил еси́, по кончи́не же безчи́сленными чудесы́ и исцелѣньми просия́вшеи. Ве́мы, уго́днице Бо́жий, я́ко ве́лие дерзнове́ние имаши ко Го́споду, нам же, бе́дствующимъ, состра́ждеши та́ко те́пле, я́ко не терпи́ши и зрѣти ны в лю́тых недúзех или́ тяжких ско́рбех сущихъ, и сего́ ра́ди и непризыва́емый ско́ро притека́еши, телеса́ и ду́ши врачу́я, бе́сы изгоня́я, заблúждшия обраща́я, наипа́че же от младе́нец всякую болѣзнь и го́реть отгоня́я.

Се бо и ны́не греси́ мно́зи отяготи́ша ны и изнуря́ющими скорбьми́ ду́ши на́ша сотро́шася, си́лы же телѣсныя оскуде́ша, и ка́ко уны́нию и тя́гостней печа́ли противоста́ти возмо́жем, а́ще не ты самъ, свя́тче Бо́жий, воста́неши по нас и проти́ву враго́в на́ших благода́тне ополчи́шися! Испроси́ же, благоприя́тными твоими́ ко Го́споду моли́твами, соверше́нное исцелѣ́ние телѣсными недúги стра́ждущимъ, всемъ же спаси́тельное терпѣ́ние и благодарѣ́ние; ско́рби, бесо́вския наве́ты и искуше́ния отврати́; вся же, ели́ка попу́стит Госпо́дь, научи́ во очище́ние понести́ благоразúмне; нас же, во тьме неведе́ния и забвѣ́ния за́поведей Бо́жих сущихъ, просвети́, вьну́ неукло́нне твори́ти волю́ Бо́жию наста́ви, беспло́дия духо́внаго разреши́, очище́ние, освяще́ние и просвѣ́щение душамъ на́шим да́руй; да с тобо́ю вку́пе просла́вим Всеблага́го Бо́га и Пречи́стую Богоро́дицу во ве́ки веко́в. Ами́нь.